

Ministarstvo unutrašnjih poslova Kantona Sarajevo, ulica La Benevolencija broj 16, koje zastupa ministar unutrašnjih poslova Admir Katica (u daljem tekstu Ugovorni organ) i

ABC SPORTING d.o.o. Banja Luka, ul. Branka Ćopića broj 1, ID broj 4402925600003, koje zastupa prokurista Danel Kuprešak (u daljem tekstu: Dobavljač)

UGOVOR
za nabavku satova za penzionere, penzionisane uposlenike
Ministarstva unutrašnjih poslova Kantona Sarajevo

Član 1.

Predmet ovog ugovora je nabavka pet ručnih satova za penzionere, penzionisane uposlenike Ministarstva unutrašnjih poslova Kantona Sarajevo. Nabavka je izvršena putem direktnog sporazuma, na osnovu Odluke broj 01-11-4-6013 od 19.10.2022.godine. Predračun Dobavljača broj 22-0100-000339 od 19.10.2022. godine je sastavni dio ovog Ugovora.

Član 2.

Ukupna vrijednost ovog Ugovora iznosi: 2.165,00 KM bez PDV-a (dvijehiljadejedenastotinašezdesetpet i 00/100 KM).

Član 3.

Dobavljač se obavezuje da će isporuku robe iz člana 1. Ovog Ugovora izvršiti u roku 15 dana od obostranog potpisivanja ugovora.

Član 4.

Ugovorni organ će ugovorenu cijenu plaćati u roku od 30 dana od dana isporuke i dostavljanja fakture.

Član 5.

Dobavljač se obavezuje da će izvršiti graviranje pločica uz isporučene satove prema tekstu koji dostavi Ugovorni organ.

Član 6.

Dobavljač se obavezuje da će, ukoliko isporuku ne izvrši u ugovorenom roku, u roku od deset dana od dana obostrano potpisanog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 7.

U slučaju kašnjenja u isporuci, do kojeg je došlo krivicom Dobavljača, isti će platiti ugovorenu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti koja je predmet koja je predmet narudžbe. Odabrani ponuđač je dužan platiti ugovorenu kaznu u roku od sedam dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 8.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavjestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Dobavljač nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 10.

Svaka od ugovornih strana može otkazati ovaj ugovor u pisanoj formi, a otkazni rok je 15 dana iz razloga koji su utvrđeni Zakonom o obligacionim odnosima.

Član 11.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 12.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost suda u Sarajevu.

Član 13.


Ugovor stupa na snagu danom potpisivanja ovlaštenih predstavnika ugovornih organa i traje do realizacije ugovorene isporuke.

Član 14.

Ugovor je sačinjen u četiri istovjetna primjerka, od kojih svaka od ugovornih strana zadržava po dva primjerka.

DOBAVLJAČ
„ABC SPORTING“ d.o.o. Banja Luka

Danel Kúprešak



Broj: 106/22
Datum: 19.10.2022. godine

UGOVORNI ORGAN
MUP KANTONA SARAJEVO

ministar, Admir Katica

Broj: 01-114-6013-1/22
Datum: 19.10.2022. godine